

溫江縣志卷二十八

流寓

唐

張道古 臨淄人少有文彩慕朱雲梅福之節景
 福中舉進士為著作郎遷右拾遺疏言五危二亂
 授施州司戶參軍未幾以左補闕徵由蜀赴闕田
 令孜陳敬瑄之亂更姓名賣卜於溫江韋莊聞其
 名奏為節度判官為同僚所嫉送茂州安置蜀王
 初召為武部郎中至玉壘關謂所親曰吾唐室諫
 臣終不能拳跪與雞犬同食今召還當復貶於此
 死之日葬我於關東不毛之地題曰唐右補闕張
 道古之墓足矣至蜀果不為時所容復貶茂州卒
 於路

溫江縣志

卷二十八

流寓

國朝

顧鏞 明末為新津令遭亂致仕避居邑之馬
 壩江著有制藝行世

朱軫裔 字三瞻樂山人康熙己酉登鄉薦嘗僑
 寓邑城後任浙江景寧縣知縣歷任十五年陞南

城兵馬司指揮使悉除陋弊尋以年老乞休至邯鄲道中病卒

朱曙蓀 字景先軫裔子康熙癸巳進士授翰林院檢討主考廣西搜落卷中元爲陳宏謨官大學士羣服其得人曙蓀累官至陝西及山西學政尋授太常寺正卿通政使司後補都府未赴任卒

董新策 字樗齋合江太史後入籍邑精於時文與丹稜三彭及吳梅村蔡芳三饒雙峯諸名宿友善著有容子山人詩稿及樗齋詩餘等集行世爲

溫江縣志

卷二十八

流寓

二

鄧遜齋先生佩服李雨村詩話載其事

邢振翼 字圖南松潘舉人聰穎絕人博通經史尤精於易登賢書後司鐸資陽未幾去官以友教爲業嘗開帳於邑之天王寺生平著作極富

韓 崧 字御九名宿博學工詩精於時藝與成都向修野鄆簡許水南松潘邢圖南交最善著作極富嘗掌教萬春書院